

## ხელშეკრულება N 101

ქ. ზუგდიდი

„ 8 “ თებერვალი 2012 წ.

ზუგდიდის რაიონის სოფ. ონარიის საჯარო სკოლა (შემდგომში „დამკვეთად“ წოდებულ) მისი დირექტორის ს. ავალიანის სახით, ერთის მხრივ და საქართველოს შსს საჯარო სამართლის იურიდიული პირი დაცვის პოლიციის დეპარტამენტის სამეგრელო-ზემო სვანეთის რეგიონალური დაცვის პოლიციის სამმართველო (შემდგომში „დაცვად“ წოდებული), მისი უფროსის გელა რუხაძეს სახით, მეორეს მხრივ, ვდებთ წინამდებარე ხელშეკრულებას შედეგზე:

### მუხლი 1. ხელშეკრულების საგანი

- 1.1. „დაცვა“ უზრუნველყოფს ზუგდიდის რაიონის სოფ. ონარიის საჯარო სკოლის კომპიუტერული ლაბორატორიის დაცვას (შემდგომში „ობიექტად“ წოდებული), რომელიც მდებარეობს მისამართზე: ზუგდიდის რაიონის სოფ. ონარია.
- 1.2. „ობიექტის“ დაცვა განხორციელდება „დამკვეთის“ მიერ „ობიექტის“ დაცვის ცენტრალიზებულ პუნქტზე ჩაბარებისა და „დაცვის“ მიერ ობიექტის დაცვაში აყვანის შემდეგ.
- 1.3. „ობიექტის“ დაცვას განხორციელებს საქართველოს შსს საჯარო სამართლის იურიდიული პირი დაცვის პოლიციის დეპარტამენტის სამეგრელო-ზემო სვანეთის რეგიონალური დაცვის პოლიციის სამმართველო;

### მუხლი 2. ანგარიშსწორების პირობები

- 2.1. დაცვის მომსახურების ღირებულება ერთ თვეში სულ შეადგენს 40 (ორმოც) ლარს;
- 2.2. ანგარიშსწორება მხარეთა შორის მოხდება ყოველი საანგარიშო თვის ბოლოს;
- 2.3. „დაცვის“ მომსახურების საგადასახადო დოკუმენტაციის შედგენას უზრუნველყოფს საქართველოს შსს საჯარო სამართლის იურიდიული პირი დაცვის პოლიციის დეპარტამენტის სამეგრელო-ზემო სვანეთის რეგიონალური დაცვის პოლიციის სამმართველო;

### მუხლი 3. მხარეთა უფლება-მოვალეობანი

#### 3.1 „დაცვა“ ვალდებულია:

- 3.1.1 დროებით სარგებლობაში უსასყიდლოდ გადასცეს „დამკვეთს“ რადიო გადამცემი, რადიო გადამცემის ყუთი, რადიო გადამცემის პლატა და უზრუნველყოს მათი მონტაჟ-ინსტალაცია;
- 3.1.2 ცენტრალიზებული დაცვის პულტზე განგაშის მიღებიდან მყისიერად, არაუგვიანეს 5 (ხუთი) წუთისა მოახდინოს „ობიექტზე“ გამოცხადება და ადგილზე მისვლის შემდეგ, უზრუნველყოს დანაშაულისა და სხვა სამართალდარღვევის აღკვეთა-აგვილება;
- 3.1.3. მატერიალური პასუხისმგებლობა ზარალისათვის იკისროს მხოლოდ მაშინ, როდესაც „ობიექტი“ დაცული იყო პერიმეტრული დაცვითი სიგნალიზაციით;
- 3.1.4. „ობიექტზე“ აღმოჩენილი ზარალის შესახებ დაუყოვნებლივ აცნობოს „დამკვეთს“ და უზრუნველყოს შს შესაბამისი ორგანოების გამოძახება, ხოლო მათ მოსვლამდე დაიცვას შემთხვევის ადგილის ხელშეუხებლობა;
- 3.1.5. „დამკვეთს“ ფაქტიური ზარალი აუნაზღაუროს სასამართლოს მიერ ძალაში შესული, გადაწყვეტილების საფუძველზე;

3.1.6. ზარალის ოდენობის განსაზღვრის მიზნით მონაწილეობა მიიღოს შედარების აქტის შედგენაში, რომელიც უნდა ეყრდნობოდეს „დამკვეთის“ საბუღალტრო დოკუმენტაციას და ადასტურებდეს დაცვის პოლიციის დეპარტამენტის შესაბამისი დანაყოფის ხელმძღვანელობის ხელის მოწერა;

3.1.7. სიგნალ „განგაშის“ მიღებისას ობიექტის გასახსნელად, სიგნალის ამუშავების მიზეზის დასადგენად აგრეთვე ობიექტის ხელმეორედ დაცვაზე ასაყვანად გამოიძახოს „დამკვეთი“ ან ობიექტის მიღება-ჩაბარებაზე პასუხისმგებელი პირი.

3.1.8 არ მიიღოს ობიექტი „დაცვაში“, თუ შეიქმნა პირობები რომლის გამოც, „დაცვისგან“ დამოუკიდებელი მიზეზებით არ ხდება დაცვაში აყვანა, რაზედაც „დამკვეთს“ ეცნობება წინასწარ.

3.1.9. იკისროს პასუხისმგებლობა მხოლოდ იმ ზარალისათვის რომელიც გამოიწვია „დაცვის“ ვალდებულებების არაჯეროვანმა შესრულებამ და არა „დამკვეთის“ დაუდევრობამ.

### 3.2 „დამკვეთი“ ვალდებულია:

3.2.1. „ობიექტის“ დაცვაზე მიღება-ჩაბარებისათვის ოფიციალურად გამოყოს პასუხისმგებელი პირი და გადასცეს მას სიგნალიზაციით სარგებლობის, ან ხელშეკრულებით გათვალისწინებული სხვა ვალდებულებების შესრულების უფლება;

3.2.2. განგაშის შემთხვევაში „დაცვას“ მისცეს დასაცავი „ობიექტის“ გახსნისა და დათვალიერების საშუალება;

3.2.3. უცხო პირებს არ გაანდოს დაცვის ტექნიკური საშუალებების გამოყენების წესები, ობიექტზე მინიჭებული პირობითი ნომერი;

3.2.4. სიგნალიზაციის გაუმართაობის შემთხვევაში დაუყოვნებლივ აცნობოს ამის შესახებ „დაცვას“. დაელოდოს „დაცვის“ წარმომადგენლის გამოცხადებას და ნაკლოვანებების აღმოფხვრას;

3.2.5. ელექტრო-ენერგიის ავარიული გამორთვის შემთხვევაში იქონიოს გამართულ მდგომარეობაში დასამუხტი და სარეზერვო მკვებავი საშუალებები;

3.2.6. წინამდებარე ხელშეკრულების 3.1.1. პუნქტში მითითებული მოწყობილობების (რომლებიც წარმოადგენს საქართველოს შინაგან საქმეთა სამინისტროს საჯარო სამართლის იურიდიული პირი - დაცვის პოლიციის დეპარტამენტის საკუთრებას და დროებით სარგებლობაში უსასყიდლოდ არის გადაცემული „დამკვეთი“-სათვის) განზრახ ან გაუფრთხილებლობით დაზიანების შემთხვევაში აანაზღაუროს მიყენებული ზარალი, განსაზღვრული დაცვითი-საგანგაშო სიგნალიზაციის სისტემის მონტაჟ-ინსტალაციის მიღება-ჩაბარების აქტის „ბ“ პუნქტით;

3.2.7. არ დაუშვას „შემსრულებლის“ მიერ დამონტაჟებული აპარატურის გადაკეთება ან შეკეთება დაცვის პოლიციის დეპარტამენტის წარმომადგენლი გარეშე;

3.2.8. რეკვიზიტების (მისამართის, საკონტაქტო ტელეფონები) შეცვლის შემთხვევაში, დაუყოვნებლივ აცნობოს „დაცვას“.

### მუხლი 4. ფორს-მაჟორი

4.1. მხარეები თავისუფლდებიან ხელშეკრულებით გათვალისწინებული ვალდებულებების შესრულებისაგან ფორს-მაჟორული შემთხვევის დროს, რომლის დროსაც შეუძლებელია დაკისრებული მოვალეობათა შესრულება და რაც დადასტურებულია სათანადო ორგანოების მიერ.

**მუხლი 5. ხელშეკრულების მოქმედების ვადა**

5.1. ხელშეკრულება ძალაში შედის 2012 წლის 12 თებერვლიდან და მოქმედებს ერთი წლის ვადით, ხოლო მხარეთა მიერ მის გაწყვეტაზე მოთხოვნის არ არსებობის შემთხვევაში, ვადა გრძელდება ერთი წლით, იგივე პირობებით.

**მუხლი 6. ხელშეკრულების სხვა პირობები**

- 6.1. წინამდებარე ხელშეკრულების განუყოფელ ნაწილს წარმოადგენს მხარეთა მიერ შედგენილი დაცვითი-საგანგაშო სიგნალიზაციის სისტემის მონტაჟ-ინსტალაციის სამუშაოების მიღება-ჩაბარების აქტი;
- 6.2. ზიანის დადასტურების შემთხვევაში „დამკვეთმა“ 3.2.6. პუნქტში მითითებული თანხის გადახდა უზრუნველყოს 5 სამუშაო დღის განმავლობაში;
- 6.3. ხელშეკრულების ცალმხრივად შეწყვეტისას „დამკვეთი“ ათი დღით ადრე აცნობებს „დაცვას“ გადაწყვეტილების შესახებ, წერილობითი ფორმით;
- 6.4. „დამკვეთის“ მიერ ხელშეკრულებით გათვალისწინებული ვალდებულებების შეუსრულებლობის ან ერთი თვის სახელშეკრულებო თანხის გადაუხდელობის შემთხვევაში „დაცვა“ უფლებამოსილია ცავმხრივად შეწყვიტოს ხელშეკრულება;
- 6.5. სადაო საკითხებს მხარეები წყვეტენ ურთიერთშეთანხმებით, ხოლო შეთანხმების მიუღწევლობის შემთხვევაში სასამართლოს მეშვეობით;
- 6.6. წინამდებარე ხელშეკრულებაში ცვლილებებისა და დამატებების შეტანა შესაძლებელია მხოლოდ მხარეთა წერილობითი შეთანხმებით, რომელიც წარმოადგენს ხელშეკრულების შემადგენელ და განუყოფელ ნაწილს;
- 6.7. ძალადაკარგულად ჩაითვალოს 2011 წლის 8 თებერვლის N 65 ხელშეკრულება;
- 6.8. ხელშეკრულება შედგენილია ხუთი თანაბარი იურიდიული ძალის მქონე ეგზემპლარად, რომელთაგან ერთი ინახება „დამკვეთთან“, ოთხი „დაცვასთან“.

**მხარეთა რეკვიზიტები და ხელმოწერა**

**„დამკვეთი“**

ზუგდიდის რ-ნი სოფ. ონარიის საჯარო სკოლის/ს/ 22037432, ზუგდიდი ს რ-ნი სოფ. ონარია.

სს „ლიბერთი ბანკი“-ს ზუგდიდის ფილიალი კოდმ 220101464

ა/ა N 34080044

დირექტორი:




/ს. ავალიანი/

**„დაცვა“**

სსიპ დაცვის პოლიციის დეპარტამენტი ს/კ N 211350928, ქ. ფოთი ნ. ჟვანიას ქუჩა N 30, სს „ლიბერთი ბანკი“-ს,(ფოთის ფილიალი 480) ბანკის კოდი/SWIFT code: LBRTGE 22 ა/ა N GE30LB0121158008584020

სამეგრელო-ზემო სვანეთის რეგიონალური დაცვის პოლიციის სამმართველოს უფროსი



/გ.რუხაძე/